

ЖШС «Кенесары 07» Балбобек жеке балабақнасы

«Жап жаңа жыл»

Тәрбиеші: Даулетова Б.Т

2023-2024 оқу жылы

Ертеңгіліктің мақсаты:

Жаңа жыл туралы тақпақтарды айтқыза отырып, олардың өткен жыл мен келер жыл туралы білімдерін тиянақтау. Балалардың есте сақтау қабілеттерін дамыту, ой өрістерін кеңейту. Көпшілік ортада өзін тәртіпті, инабатты ұстауға тәрбиелеу.

Жүргізуші:

Бәрімізге мына жыл арайлы!

Құтты болсын ағайын!

Жаңа жылың тағы да

Қол соғып қарсы алайық

Шақырайық ортаға

Ертеңгілік басталсын

«Шағала» тобында!

(балалар музыка әуенімен кіріп, орындарына отырады)

(музыка әуенімен Сиқыршы кіреді)

Сиқыршы:

Жаңа жыл келді

Азаймасын ән мен жыр

Ел көңілін көтерсін

Құтты болсын жаңа жыл!

Құттықтаймыз сіздерді!

Тезірек, тездетіп мұнда жиналыңдар

Басталады Жаңа Жылдық карнавал

Маска да бар, би де бар, асығыңдар

Аяз ата шақырғанның бірі дағы қалмайды.

Басталады, басталады Жаңа жылдық карнавал

Карнавалдың қонақтарын қарсы алыңдар!

Сиқыршы: Бәрекелді, жарайсыңдар! Қарандаршы, айнала неткен керемет, әсем мына шыршамыздағы ойыншықтардың алуан түрлері бар екен. Бәрімізде әп - әдемі жаңа жылдық киімдерімізді киіп жиналып қаппыз. Бірақ,... шыршамыз көңілсіз, қане менің сиқырлы таяғымның көмегімен, сендердің әдемі сөздеріңмен шамын жағайық!

Қуант, бізді, таңырқат

Шамдарыңды жарқырат! 3 рет

Жүргізуші: Міне, керемет, жақсы болды, енді барлығымыз қол ұстасып, ән шырқайық.

Ән: «Шырша жыры»

Жүргізуші: Балалар, жарайсыңдар. Айтындаршы жылда Жаңа жылға бізге қонаққа кім келуші еді?

Балалар: Аязата, Ақшақар!

Жүргізуші: Кәнекей, ендеше бәріміз бірге шақырайық.

Бәрі: Аяз ата, Аяз ата, Аяз ата, Ақшақар Ау - у - у - у! (3 – рет)

(Музыка әуенімен Аю келеді)

Аю: Мен қысқы ұйқыда болатынымын, қатты айқай – шу, тасыр - тұсыр шошып ояндым, не болып қалды деп сұрап едім, бәрінің айтатындары бір - ақ сөз: «Жаңа жыл келіп қалды, жаңа жыл» - дейді. Машаны да іздеп, осында болар деп келдім.

Жүргізуші: Мәссаған, балалар бұл кім?

Балалар: Аю.

Жүргізуші: Иә, «Маша мен аю» мультфильмін сендер өте жақсы көресіңдер ғой. Бірақ біз Аяз атаны шақырдық қой, аюды емес...

Балалар: Иә.

(Осы кезде әндетіп, билеп Маша келіп шыршаның жанында тұрады)

Маша: Ой шырша, Керемет....

(деп шыршаның астындағы үлкен қорапты тауып алады. Аю шауып келіп Машаны көтеріп алады)

Аю: Әрең таптым - ау, сені қасқыр жеп қойған шығар деп едім.

(деп кетіп бара жатады)

Жүргізуші: Тоқтаңыздар, кетпеңіздер, бізбен бірге болыңыздар!

(Екеуі қуанып, балалардың жаныңа келеді)

Жүргізуші: Балалар, мына сыйлықты бәріміз бөлісейік... (деп ашып жатқанда ішінен күлдіргіш шығады)

Күлдіргіш: Сәлем, балалар! Бұл мен, күлдіргенмін ғой! Мені қораптан шығарғандарың қандай жақсы болды. Ол жерде тар, әрі қап - қараңғы. Ал, мұнда сондай тамаша екен! Мен де сендермен жаңа жылды қарсы алайыншы. Сендермен бірге қызықты ойындар ойнайыншы.

Балалар: Иә!

Жүргізуші: Балалар көп достарымыз жиналып қалыпты, енді тек Аязата мен Ақшақар қалды келмеген!

Қоңырау үні сыңғырла

Аяз ата, Ақшақар

Біз Сендерді сағындық

Тез келіңдер ортаға

Аяз ата, ақшақар 3 - рет

(музыка әуенімен Аяз ата, Ақшақар келеді)

Аяз Ата:

Құтты болсын, балалар

Келген Жаңа жылдарың

Алаңдамай өсіңдер

Еркелеп қыз, ұлдарым

Өткен жылы келіп ем

Бәріңді де көріп ем

Жыл өткізіп келем деп

Уәдемді беріп ем

Ойларың мен бойларың да

Бірдей өсіп қалдыңдар ма?

Ал, мен кіммін айтыңдаршы

Мені тани алдыңдар ма?

Балалар: Аяз ата!

Ақшақар:

Сәлеметсіңдер ме, балалар. Жаңа жылдарың құтты болсын!

Сүйсіндірер маңайды

Ақшақармын арайлы

Жалт - жұлт еткен жүзімнен

Күміс сәуле тарайды.

Ақшақармын аппақпын
Қалай тыныш жатпақпын
Менсіз қыстың сәні жоқ
Әнімін, жырмын, тақпақпын.

Би: «Аяз атамен би»

Жүргізуші:

Қош келдіңіздер, Аязата мен Ақшақар! Төрлетіңіздер!

Әсем әні де, биі де бар

Отыр ата, сәл дем ал.

Ән: «Келді, міне жаңа жыл»

(Ақшақардың жұмбақтары)

Ақшақар:

Мен білемін бір ойын:

Үйретейін сендерге

Мен бастаймын,

Ал, сендер аяқтаңдар ойынды.

Хормен жауап айтыңдар!

Ақшақар:

Қарға мүлгіп дала тұр,

Келе жатыр....

Балалар: Жаңа жыл!

Ақшақар:

Қызыл мұрын, ақ мұртты

Білсең атын тез ата,

Келеді бізге....

Балалар: Аязата!

Ақшақар:

Көңілсіз бір бала жоқ,

Ойын - күлкі таралсын

Құтты болсын.....

Балалар: Жаңа жыл! (3 рет)

Жүргізуші:

Әуеледі әніміз

Жаңа кірді сәніміз

Ақшақарды ортаға алып

Би билейік бәріміз.

«Ұлпақарлар» биі

Жүргізуші: Балалар, жаңа жыл болса кеп қалды, біздің қоштасатын қоян жылымыз қайда? Ай, Сиқыршы сен сиқырлап тастаған жоқсың ба? Балалар, бізге келетін қай жыл еді?**(Жылтыр сандық ішінен ұлу билеп шығады)**

Жүргізуші: Қош келдің Жаңа жыл! Біздің қонақтарымыздың жаңа жылға тілектерін тыңдайық!

Жүргізуші:

Айта берсек таусылмас

Жаңа жылда жаңа жыр

Кел оданда, халайық

Ойын ойнайық жаңа бір.

Ойын: «Шана»

Шарты: 2 ойыншыдан шығып шанамен сүйреп жарысады.

Би: Хоровод

Жүргізуші: Аяз ата Ақшақар сіздер біздің балаларға сыйлық әкелдіңіздер ме?

Аяз ата: Иә, әрине! Жарайсыңдар, өнерлі екенсіңдер!

Жүргізуші: Иә, ата, балаларымыз шеттерінен өнерлі, тақпақты да жақсы айтады. Балалардың тақпақтарын тыңдап көріңіздер.

Тақпақтар:

Аминна:

Жаңа жылда жаңаша

Тақпақ айтамыз.

Болсын риза балаша,

Әппақ Аяз атамыз.

Бахтияр:

Жаңа жыл, жаңа жыл

Сені күттім елеңдеп

Өзіңменен ілесіп

Аяз ата келер деп.

Мағжан:

Киіндік ұл мен қыз

Аң болып, жан болып

Танымай тұрсын деп

Досымыз таң болып.

Айша:

Ақ қырауға малынған

Сақалы да, мұрты да

Аяз ата сағынған

Сәлем берді жұртына.

Әли:

Қандай әсем шартарап

Шаттық күйге бөлеп тұр

Кәмпіттерін арқалап

Аяз ата келіп тұр.

Мариям:

Жаңа жылға сәніміз

Біздің айтар әніміз

Келдің бе аман алыстан

Сәлем, Аяз атамыз.

Аяз - Ата: Жарайсыңдар балаларым! Мені бүгін бір қуантып, алыс жерден шаршап келгенде көңілімді көтердіңдер. Барлықтарың да ақылды, білімде де өнерлі екенсіңдер. Киген киімдерін қандай әдемі! Солай емес пе қызым? Біздің сыйлығымызға риза болыңдар. Ал енді біз жолға шығайық. Басқа да балалардың өнерін тамашалайық. Ал, балаларым, сендер өсе беріңдер, өркендей беріңдер. Аспандарың ашық болсын! Қош болыңдар!(қолдарын бұлғап шығып кетеді.)

Балалар: Сау болыңыздар! Рахмет сіздерге!

Жүргізуші: Құрметті қонақтар, балалар! Жаңа жылға арналған мерекеміз аяқталып қалды. Көріп тамашалағандарыңа рахмет. Жаңа жыл құтты болсын!